

Akashvani, Sambalpur

SAMBALPURI NEWS EVENING BULLETIN

12 May 2024- 7.02 pm- 7.12 pm.

- ୧- ରାଏଜେ ଆଏବା କାଏଲ୍ ହେବା ପହେଲା ଖେପ୍ ଭୋର୍ ।
- ୪ ଟା ଲୋକ୍ଷଭା ଆର୍ ୨୮ ଟା ବିଧାନ୍‌ସଭା ଆସନ୍ ନ ମତଦାନ୍ ଲାଗି ପୁହୁଁଚିଲେ ପୁଲିଂ ପାର୍ଟି ।
 - ନିୟୋଜିତ ହେଇଛନ୍ ୧୭ ହଜାର ପୁଲିସ୍ ଫୋର୍ସ ସାଙ୍ଗେ ୭ କମ୍ପାନୀ ଅର୍ଦ୍ଧ ସାମରିକ ବାହିନୀ ।
- ୨- ବରିଷ୍ଠ ବିଜେପି ନେତା ଆର୍ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଦଲୀୟ ପ୍ରଚାର ଲାଗି ଆଏବା ୨୦ ତାରିଖ୍ ଫେରଘାଏ ଆସ୍‌ବେ ଓଡ଼ିଶା ।
- ୩- ବିଜେଡ଼ି ସଭାପତି ଆଉ ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ବରଗଡ଼୍ ଆର୍ ବଲାଙ୍ଗିର୍ ଜିଲ୍ଲା ନ କଲେ ନିର୍ବାଚନୀ ପ୍ରଚାର ।

ଆଉର୍

- ୪- ଆଏଜ୍ ହେଉଛେ ବିଶ୍ୱ ମାତୃଦିବସ୍ ଆର୍ ଆନ୍ତର୍ଜାତିକ ସେବିକା ଦିବସ୍ ।

ଦେଶର ୪ ନମ୍ବର ଆର ଓଡ଼ିଶାର ପହେଲା ଖେପ୍ ନିର୍ବାଚନର ଭୋଟ୍ ଆସବା କାଏଲ୍ ହେବା । ହେଥୁ କଳାହାଣ୍ଡି, ନବରଙ୍ଗପୁର , କୋରାପୁଟ୍ ଆର ବ୍ରହ୍ମପୁର ଲୋକସଭା ଆସନ୍ ଆଉ ହେତାର ଅଧୀନଥି ଥିବା ୨୮ ଟା ବିଧାନସଭା ଆସନ୍ର ଭୋଟର୍ ମାନେ ସେମାନକର୍ ମତ ଅଧିକାର ସାବ୍ୟସ୍ତ କର୍ବେ । ଆକାଶବାଣୀ ଆଂଚଳିକ୍ ସମ୍ବାଦ ବିଭାଗ୍ ତରଫୁ ଆସବା କାଲିର ଭୋଟ୍ ବାବ୍ଦେ ଗୁଟେ ରିପୋର୍ଟ....

(ଭବସ୍ ଓଭର)

ପୁଲିସ୍ ମହାନିର୍ଦ୍ଦେଶକ-ନିର୍ବାଚନ ପ୍ରସ୍ତୁତି ଆରବନ୍ଧୁ/ ସମ୍ବଲପୁର

ରାଏଜେ ଆସବା କାଏଲ୍ ପହେଲା ଖେପ୍ ଭୋଟ୍ ହେବାରକେ ଯାଉଥିବାର ବେଳେ ନିର୍ବାଚନ ପରିଚାଳନାକେ ନେଇକରି ପୁଲିସ୍ର ପ୍ରସ୍ତୁତି ବାବ୍ଦେ ରାଜ୍ୟ ପୁଲିସ୍ର ମହାନିର୍ଦ୍ଦେଶକ୍ ଅରୁଣ୍ କୁମାର୍ ଷଡ଼ଙ୍ଗୀ ସୂଚନା ଦେଇଛନ୍ । ଶ୍ରୀ ଷଡ଼ଙ୍ଗୀ ଆସକ୍ ଗୁଟେ ସାମ୍ବାଦିକ୍ ସମ୍ମିଳନୀଥି କହିଛନ୍ ଯେ, ଆସବା କାଏଲ୍ ରାଜ୍ୟର ୯ ଟା ଜିଲ୍ଲା ନ ୪ ଟା ଲୋକସଭା ଆସନ୍ ଆର ୨୮ ଟା ବିଧାନସଭା ଆସନ୍ ଲାଗି ଭୋଟ୍ ହେବା ।

ହେଥିଲୁଲାଗି ୬ ହଜାର ୨ ଶହ ୨୮ ଟା ଜାଗା ନ ୭ ହଜାର ୨
 ଶହ ୯୮ ଟା ପୁଲିଂ ବୁଥ୍ କରାଯାଇଛି । ସେଥି ୫ ଶହ ୩୭ ଟା
 ବୁଥ୍ କଲାହାଣ୍ଡି, ନୂଆପଡ଼ା, ନବରଙ୍ଗପୁର, ରାୟଗଡ଼ା,
 କୋରାପୁଟ୍ ଆର୍ ମାଲକାନଗିରି ଜିଲ୍ଲାର ମାଓବାଦୀ ପ୍ରଭାବିତ୍
 ଇଲାକାଥ୍ ଅଛି । ଭୋଟ୍‌କେ ଅବାଧ ଆର୍ ନିରପେକ୍ଷ କର୍ବାର୍
 ଲାଗି ୧୭ ହଜାର ପୁଲିସ୍ ଫୋର୍ସ୍ ସଙ୍ଗେ ୭ କମ୍ପାନୀ
 ଅର୍ଦ୍ଧସାମରିକ୍ ବାହିନୀକୁ ନିୟୋଜିତ୍ କରାଯାଇଛି ।
 ହେତାର୍‌ସଙ୍ଗେ ୬୬ ପ୍ଲାରୁନ୍ ଓଡ଼ିଶା ସଶସ୍ତ୍ର ପୁଲିସ୍ ଜବାନ୍ ଭିଲ୍
 କାମ୍‌ଥ୍ ଲାଗିଛନ୍ । ୬ ଶହ ଟା ମୋବାଇଲ୍ ପାଟ୍ରୋଲିଂ ପାର୍ଟି
 କରାଯାଇଥିବାର୍ ବେଳେ ଆନ୍ତଃରାଜ୍ୟ ସୀମା ଆର୍ ଜିଲ୍ଲା
 ଜିଲ୍ଲାର୍ ସୀମା ଇଲାକା ନ ଶହେ ୧ ଟା ନାକା କରାଯାଇଛି ।
 ଇଭିଏମ୍ ମିସିନ୍ ରଖାଯାଉଥିବା ଷ୍ଟୁରୁମ୍‌ର ସୁରକ୍ଷାଥ୍
 ଅର୍ଦ୍ଧସାମରିକ୍ ବାହିନୀକୁ ନିୟୋଜିତ୍ କରାଯାଇଛି ।
 ନୂଆପଡ଼ା ଜିଲ୍ଲାର୍ ଭିତ୍‌ରିଆ ଇଲାକାକେ ପୁଲିଂ ପାର୍ଟିକୁ
 ହେଲିକେପ୍ଟର୍‌ଥ୍ ପୁହୁଁଚାଯାଇଛି । ମାଓବାଦୀ ପ୍ରଭାବିତ୍
 ଇଲାକାଥ୍ କେହେନି ଅଘଟନ୍‌ର ମୁକାବିଲା ଲାଗି ସୀମା
 ସୁରକ୍ଷା ବାହିନୀ - ବିଏସ୍‌ଏଫ୍‌ର ଗୁଟେ ହେଲିକେପ୍ଟର୍
 ପ୍ରସ୍ତୁତ୍ ରଖାଯାଇଛି ବଳି ପୁଲିସ୍ ମହାନିର୍ଦ୍ଦେଶକ୍ ଶ୍ରୀ
 ଷଡ଼ଙ୍ଗୀ ସାୟାଦିକ୍ ସମ୍ମିଳନୀଥ୍ ସୂଚନା ଦେଇଛନ୍ ।

ନିର୍ବାଚନ ପରିଚାଳନା ଥି ନିୟୋଜିତ କର୍ମଚାରୀ ଆର
ଭୋଟରମାନଙ୍କୁ ଜରୁରୀକାଳୀନ ସ୍ୱାସ୍ଥ୍ୟସେବା ଲାଗି
କୋରାପୁଟ୍ ଜିଲ୍ଲା ନ ରାଜ୍ୟ ମୁଖ୍ୟ ନିର୍ବାଚନ ଅଧିକାରୀଙ୍କର
ତରଫୁ ଗୁଡ଼େ ଏୟାର ଆୟୁଲେନ୍ସ ନିୟୋଜିତ୍
କରାଯାଇଛି । ସୂଚନା ଅନୁସାରେ ରାଜ୍ୟ ମୁଖ୍ୟ ନିର୍ବାଚନ
ଅଧିକାରୀଙ୍କର କାର୍ଯ୍ୟାଳୟ ତରଫୁ ବ୍ୟବସ୍ଥା କରାଯାଇଥିବା
ଇ ଏୟାର ଏୟୁଲେନ୍ସ ଆଏଇଠାନ୍ ୨୦ ତାରିଖ୍ତକ୍
କୋରାପୁଟ୍ ନ ରହେବା । ହେଥି ଜରୁରୀ ସ୍ୱାସ୍ଥ୍ୟ ସେବା
ଦରକାର ଥିବା ରୋଗୀମାନଙ୍କୁ ସ୍ଥାନାନ୍ତରିତ୍ କରାଯିବା ।

ପ୍ରଧାନମନ୍ତ୍ରୀ- ଓଡ଼ିଶା ଆରଏନ୍ୟୁ/ ସମ୍ବଲପୁର

ବରିଷ୍ଠ ବିଜେପି ନେତା ଆର ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ
ଦଲୀୟ ପ୍ରାର୍ଥୀଙ୍କର ପ୍ରଚାର ଲାଗି ଆଏବା ୨୦ ତାରିଖ୍
ଫେର୍ ଓଡ଼ିଶା ଗସ୍ତ ନ ଆଏବେ ବଲି ବିଜେପି ରାଜ୍ୟ ଉପ
ସଭାପତି ଗୋଲକ୍ ମହାପାତ୍ର ସୂଚନା ଦେଇଛନ୍ । ସେ
କହିଛନ୍ ଯେ, ପ୍ରଧାନମନ୍ତ୍ରୀ ଶ୍ରୀ ମୋଦୀ ସେଦିନ ପୁରୀ ନ
ରୋଡ୍ ସୋ କରବାର ସହେତେ କଟକ୍ ଆର ଅନୁଗୁଲ୍ ନ
ସାଧାରଣ ସଭାକେ ସମୋଧନ କରବେ । ସେନ୍ତା
ସ୍ୱରାଷ୍ଟ୍ରମନ୍ତ୍ରୀ ଅମିତ୍ ଶାହା ଆଏବା ୧୫ ତାରିଖ୍ ଓଡ଼ିଶା
ଗସ୍ତ ନ ଆସିକରି ରାଉରକେଲା, କଟାବାଞ୍ଜି ଆର

ସୋରଡ଼ା ନ ନିର୍ବାଚନୀ ସଭାଥି ଯୋଗୁ ଦେବେ । ଦଲର
ରାଷ୍ଟ୍ରୀୟ ଅଧ୍ୟକ୍ଷ ଜଗତ୍ ପ୍ରକାଶ୍ ନଡୁଆ ଆଏବା ୧୭ ତାରିଖ
ଦିନ ଓଡ଼ିଶା ଆସିକରି ସୁନ୍ଦରଗଡ଼, ହିଞ୍ଜିଳି ଆର ପଦ୍ମପୁର
ନ ନିର୍ବାଚନୀ ସଭା କରବେ ବଲି ଶ୍ରୀ ମହାପାତ୍ର
ଗଣମାଧ୍ୟମକେ ସୁନ୍ଦା ଦେଇଛନ୍ । ସେନ୍ତା ଆସାମର
ମୁଖ୍ୟମନ୍ତ୍ରୀ ହିମନ୍ତ ବିଶ୍ୱଶର୍ମା ଭିଲ୍ ଆଏବା ୧୪ ତାରିଖ
ଦିନ ଓଡ଼ିଶା ଆସିକରି ଭୁବନେଶ୍ୱରର ଶୁକ୍ତି ପ୍ରିମିୟମ୍
ହୋଟେଲ୍ଥି ବିଶେଷ୍ ସମ୍ପର୍କ ଅଭିଯାନ୍ଥି ଯୋଗୁ ଦେବାର
କାର୍ଯ୍ୟକ୍ରମ୍ ରହିଛେ ବଲି ଶ୍ରୀ ମହାପାତ୍ର ସୁନ୍ଦା ଦେଇଛନ୍ ।

ମୁଖ୍ୟମନ୍ତ୍ରୀ- ନିର୍ବାଚନ ପ୍ରଚାର

ବରଗଡ଼, ବଲାଙ୍ଗିର ସମ୍ବାଦଦାତା

ବିଜୁ ଜନତା ଦଲର ସଭାପତି ଆର ମୁଖ୍ୟମନ୍ତ୍ରୀ ନବୀନ୍
ପଟ୍ଟନାୟକ୍ ଆଏକ୍ ବରଗଡ଼ ଆର ବଲାଙ୍ଗିର ଜିଲ୍ଲାର ଭିନ୍
ଭିନ୍ ଜାଗା ନ ଦଲର ପ୍ରାର୍ଥୀମାନକର ଲାଗି ନିର୍ବାଚନ
ପ୍ରଚାର କରିଛନ୍ । ଆଏକ୍ ଉପରବେଲା ବରଗଡ଼ ନ ଗୁଟେ
ସାଧାରଣ ସଭାକେ ସମୋଧୁତ୍ କରିକରି ମୁଖ୍ୟମନ୍ତ୍ରୀ ଶ୍ରୀ
ପଟ୍ଟନାୟକ୍ ବିଜୁ ସ୍ୱାସ୍ଥ୍ୟ କାର୍ଡ୍ ସହେତେ ରାଜ୍ୟ
ସରକାରକର ଭିନ୍ ଭିନ୍ ଜନକଲ୍ୟାଣ୍ ଯୋଜନା ବାବଦେ
କହେବାର ସଙ୍ଗେ ଦଲୀୟ ଲୋକସଭା ଆଉ ବିଧାନସଭା
ପ୍ରାର୍ଥୀମାନକୁ ଜିତାବାରକେ ଲୋକମାନକୁ ନିବେଦନ୍

କରିଥିଲେ । ଇତାର ଆଘୋନୁ ମୁଖ୍ୟମନ୍ତ୍ରୀ ଶ୍ରୀ ପଟ୍ଟନାୟକ
ସେ ନିର୍ବାଚନ ଲଢ଼ୁଥିବା ବଲାଙ୍ଗିର ଜିଲ୍ଲାର କଂଟାବାଞ୍ଚି
ବିଧାନସଭା ନିର୍ବାଚନ ମଣ୍ଡଳୀ ଇଲାକା ନ ଭୋଟ ପ୍ରଚାର
କରିଥିଲେ । ସେ ବଙ୍ଗୋମୁଣ୍ଡା ବ୍ଲକର ସିନ୍ଧେକେଲା ଆର
ମୁରିବାହାଲ ବ୍ଲକର ଗାଁରେଇ ନ ସାଧାରଣ ସଭାକେ
ସମ୍ବୋଧିତ କରିକରି ଲୋକସଭା ଆଉ ବିଧାନସଭା ଦୁହିଥି
ବିଜେଡ଼ି ପ୍ରାର୍ଥୀମାନଙ୍କୁ ଭୋଟ ଦେବାରକେ ନିବେଦନ
କରିଥିଲେ । ମୁଖ୍ୟମନ୍ତ୍ରୀ ଶ୍ରୀ ପଟ୍ଟନାୟକ ବଲାଙ୍ଗିର ନ ଭିଲ୍
ଗୁଟେ ନିର୍ବାଚନୀ ସଭାକେ ସମ୍ବୋଧିତ କରିଥିଲେ ।

ସୁବର୍ଣ୍ଣପୁର -ପ୍ରାର୍ଥୀ ନିର୍ବାଚନ ପ୍ରଚାର ସୁବର୍ଣ୍ଣପୁର ସମ୍ବାଦଦାତା

ସୁବର୍ଣ୍ଣପୁର ଜିଲ୍ଲା ନ ଆସବା ୨୦ ତାରିଖ ଭୋଟ ହେବାରକେ
ଯାଉଥିବାର ବେଳେ ଭିନ୍ ଭିନ୍ ଦଳର ପ୍ରାର୍ଥୀମାନେ
ସେମାନଙ୍କର ପ୍ରଚାର ଅଭିଯାନକେ ଜୋର କରିଛନ୍ ।
ବଲାଙ୍ଗିର ଲୋକସଭା ଆସନର ବିଜେପି ପ୍ରାର୍ଥୀ ସଂଗୀତା
କୁମାରୀ ସିଂହଦେଓ, ବିଜେଡ଼ି ପ୍ରାର୍ଥୀ ସୁରେନ୍ଦ୍ର ସିଂ ଭୋଇ
ଆର କଂଗ୍ରେସ ପ୍ରାର୍ଥୀ ମନୋଜ ମିଶ୍ର ଜିଲ୍ଲାର ଭିନ୍ ଭିନ୍
ଇଲାକାକେ ଗସ୍ତ କରିକରି ନିଜର ସପକ୍ଷଥି ପ୍ରଚାର
କରୁଛନ୍ । ସେନ୍ତା ବୀରମହାରାଜପୁର ବିଧାନସଭା
ଆସନର ବିଜେପି ପ୍ରାର୍ଥୀ ରଘୁନାଥ ଜଗଦଲା, ବିଜେଡ଼ି
ପ୍ରାର୍ଥୀ ପଦ୍ମନାଭ ବେହେରା ଆର କଂଗ୍ରେସ ପ୍ରାର୍ଥୀ ପ୍ରଦୀପ୍

ସେଠା ଗାଁ ଗାଁ ଯାଇକରି ପ୍ରଚାର କରୁଛନ୍ । ସୋନପୁର
ବିଧାନସଭା ନିର୍ବାଚନ ମଣ୍ଡଳୀର ଚରଣ ଆର ଡୁଙ୍ଗରିପାଲି
ଇଲାକା ନ ବିଜେଡ଼ି ପ୍ରାର୍ଥୀ ନିରଞ୍ଜନ ପୂଜାରୀ, ବିଜେପି
ପ୍ରାର୍ଥୀ ପ୍ରମୋଦ ମହାପାତ୍ର, କଂଗ୍ରେସ୍ ପ୍ରାର୍ଥୀ ପ୍ରିୟବ୍ରତ ସାହୁ
ଆର ସ୍ଵାଧୀନ ପ୍ରାର୍ଥୀ ସୋନାଲୀ ବିଶି ପ୍ରଚାର କରୁଛନ୍ ।

କଳାହାଣ୍ଡି - ନିର୍ବାଚନ ପ୍ରସ୍ତୁତି

କଳାହାଣ୍ଡି ସମ୍ବାଦଦାତା

କଳାହାଣ୍ଡି ଜିଲ୍ଲାର ୧ ହଜାର ୪ ଶହ ୧୨ ଟା ଯାକ ପୁଲିଂ
ବୁଥକେ ଗଲାକାଏଲ୍ ଆର ଆଏଜ୍ ପୁଲିଂ ପାର୍ଟି ଇଭିଏମ୍
ଆର ବାକି ସାମାନ୍ ନେଇକରି ପୁହୁଁଚିଛନ୍ ବଳି ଜିଲ୍ଲା
ନିର୍ବାଚନ ଅଧିକାରୀ ଆର ଜିଲ୍ଲାପାଲ୍ ପି. ଅନ୍ୱେଷା ରେଡ୍ଡୀ
ସୂଚନା ଦେଇଛନ୍ । ତାଁକର ସୂଚନା ଅନୁସାରେ ଜିଲ୍ଲା ନ
ଶହେ ୪୦ ଟା ବୁଥକେ ସମ୍ବେଦନଶୀଲ୍ ଚିହ୍ନଟ୍
କରାଯାଇଥିବାର ବେଳେ ସେ ଭିତରୁ ଶହେ ୩୫ ଟା
ମାଓପ୍ରବଣ୍ ହେଇଥିବାରନ୍ ସେଠାନ୍ ସିସିଟିଭି ଆର
ଫ୍ରେକ୍ସାଷ୍ଟିଂ ବ୍ୟବସ୍ଥା କରାଯାଇଛେ । ଜିଲ୍ଲା ନ ପୁରା ମହିଳା
କର୍ମଚାରୀମାନକର ଦ୍ଵାରା ପରିଚାଳିତ୍ ହେବାରକେ ଥିବାର
ଶହେ ୩୫ ଟା ସଖୀ ବୁଥ କରାଯାଇଛେ ବଳି ଜିଲ୍ଲାପାଲ୍
ସୂଚନା ଦେଇଛନ୍ ।

ନୂଆପଡ଼ା - ପୁଲିଂ କର୍ମଚାରୀ

ନୂଆପଡ଼ା ସମ୍ବାଦଦାତା

ନୂଆପଡ଼ା ଜିଲ୍ଲା ନ ମାଓବାଦୀ ପ୍ରଭାବିତ୍ ଇଲାକାର୍ ଝଟା ପୁଲିଂ
ବୁଥକେ ପୁଲିଂ କର୍ମଚାରୀମାନଙ୍କୁ ହେଲକେପୁର୍ ଯୁଗେ
ପୁହୁଁଟା ଯାଇଛେ ବଳି ଜିଲ୍ଲା ନିର୍ବାଚନ୍ ଅଧିକାରୀ ଆର୍
ଜିଲ୍ଲାପାଲ୍ ହେମକାନ୍ତ ସାଏ ସୂର୍ନା ଦେଇଛନ୍ । ଜିଲ୍ଲାର୍ ୩
ଶହ ୨ ଟା ଯାକ ପୁଲିଂ ବୁଥ ନ ପୁଲିଂ ପାର୍ଟି ପୁହୁଁଟି
ସାରିଥିବା ସେ କହିଛନ୍ ।

ମଦର୍ସା ତେ ଆର୍ଏନ୍ୟୁ/ କଟକ୍

ମୁନୁଷ୍ଟର ଜୀବନ୍ ଆର୍ ସମାଜ୍ ଗଭ୍ବାରଥି ମା'ର ଭୂମିକା
ବହୁତ୍ ଗୁରୁତ୍ୱପୂର୍ଣ୍ଣ ଥାଏ । ମା' ମାନକର୍ ଉତ୍ତର୍ଗୀକୃତ ଜୀବନ୍କେ
ସୋର୍ କରକରି ଥାଏଜ୍ ସାରା ପୁର୍ଥି ନ ପାଲିତ୍ ହେଉଛେ
ମଦର୍ସା ତେ- ମାତୃଦିବସ୍ । ଫି' ବଛର୍ ମେ ମାସର୍ ୨ ନୟର୍
ରଏବାରଥି ଇ ଦିନ୍ ପାଲନ୍ କରାଯାଏସି । ୧୯୦୮ ମସିହାଥି
ପହେଲାକରି ଆମେରିକାର ପଣ୍ଡିମ ଭର୍ଜିନିଆର ଗ୍ରାଫ୍ଟନ୍ ସହର୍
ନ ଥିବା ସେଂର୍ ଆଣ୍ଟିୟୁସ୍ ମେଥୋଡିସ୍ ଚର୍ଚ୍ଚ ନ ମାତୃଦିବସ୍
ପାଲନ୍ କରାଯାଇଥିଲା ।

ମାତୃଦିବସ୍ ଅବ୍ସରେ ରାଜ୍ୟପାଲ୍ ରୟୁବର୍ ଦାସ ଆର୍
ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ମା' ମାନକ୍ ସେମାନକର୍ ତ୍ୟାଗ
ଆର୍ ନିସ୍ୱାର୍ଥପର ସ୍ନେହ ଲାଗି ସମ୍ମାନ ଜନେଇଛନ୍ ।

ଆନ୍ତର୍ଜାତିକ ସେବିକା ଦିବସ

ଆରବନ୍ଦୁ ସମ୍ବଲପୁର

ଆଜ୍ଞ ଆନ୍ତର୍ଜାତିକ ସେବିକା ଦିବସ । ଆଧୁନିକ ନର୍ସିଂ ସେବାକେ ମୁଲ୍ କରିଥିବା ଫ୍ଲୋରେନ୍ସ ନାଇଟିଂଜାଲ୍‌ଙ୍କର ଜନ୍ମ ଦିନ ମେ ମାସର ୧୨ ତାରିଖକେ ଗଲା ୧୯୬୫ ମସିହାକୁ ଆନ୍ତର୍ଜାତିକ ସେବିକା ପରିଷଦ୍‌ର ନିଷ୍ପତି ଅନୁସାରେ ଆନ୍ତର୍ଜାତିକ ସେବିକା ଦିବସ ଭାବେ ପାଳନ୍ କରାଯାଉଛି । ଆନ୍ତର୍ଜାତିକ ସେବିକା ଦିବସ୍‌ ସେବିକାମାନଙ୍କର ଉତ୍ସର୍ଗୀକୃତ ସେବା ଭାବନାକେ ସମ୍ମାନ ଜନାବାର ଲାଗି ସାରା ପୁରୁଥ୍ ନ କାର୍ଯ୍ୟକ୍ରମ୍ ମାନ୍ କରାଯାଏସି । ଇବଛର୍ ସେବିକା ଦିବସ୍‌ର ବାର୍ତା ହେଉଛି ‘ଆମ ନର୍ସ ଆମ ଭବିଷ୍ୟତ- ସେବା ଯତ୍ନର ଆର୍ଥିକ୍ ଶକ୍ତି’ ।

ଆନ୍ତର୍ଜାତିକ ସେବିକା ଦିବସ୍ ଅବସରେ ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ସାମାଜିକ୍ ଗଣମାଧ୍ୟମ୍ ଜରିଏ ସ୍ବାସ୍ଥ୍ୟସେବାର ମେରୁଦଣ୍ଡ ଭାବେ ସେବିକା ମାନଙ୍କର ପ୍ରତିବଦ୍ଧତା ଉତ୍ସର୍ଗୀକୃତ ସେବା ଆର୍ କରୁଣାକେ ସମ୍ମାନ ଜନେଇଛନ୍ ।

ପାଣିପାଗ

ଆରବନ୍ଦୁ / ସମ୍ବଲପୁର

ରାଏଜର୍ ଭିନ୍ ଭିନ୍ ଜାଗା ନ କାଲବୈଶାଖୀ ବର୍ଷା
ହେଇଥିବାରୁ ତାତି ୩ ନୁ ୫ ଡିଗ୍ରୀ ସେଲ୍ସିଅସ୍ ତକ୍
କମିଥିବାର ବେଳେ ଆଏବା ୧୭ ତାରିଖକୁ ପାର୍ ଫେର୍
ବଦଲିବା ବଳି ଭୁବନେଶ୍ୱର ଆଂଚଳିକ୍ ପାଣିପାଗ୍ ବିଜ୍ଞାନ
କେନ୍ଦ୍ର ତରଫୁ ଅନୁମାନ କରାଯାଇଛେ । ସୂଚନ୍ ଅନ୍ୟାରେ
ମଙ୍ଗଲ୍‌ବାର୍ ସଖାଲ୍‌ତକ୍ ସମ୍ବଲପୁର, ସୁନ୍ଦରଗଡ୍,
ଝାରସୁଗୁଡ଼ା, ବରଗଡ୍, ଦେବଗଡ୍, ସୁବର୍ଣ୍ଣପୁର, ବୌଦ୍ଧ,
ନୂଆପଡ଼ା, ବଲାଙ୍ଗିର, କଳାହାଣ୍ଡି ଜିଲ୍ଲାର୍ ଗୁଚେ ଜୁଡ଼େ
ଜାଗା ନ ବିଜ୍ଞା ମାରିକରି ଧୁକାଗଡ଼ି ହେଇପାରେ । ଆଏଜ୍
ରାଜ୍ୟର୍ ସବୁନୁ ଜହ୍ ତାତି ବୌଦ୍ଧ ନ ୪୧ ଦଶମିକ୍ ୪ ଡିଗ୍ରୀ
ସେଲ୍ସିଅସ୍ ରେକଡ଼ି କରାଯାଇଛେ ।